

Número de registre 3370

## **CONSELH GENERAU D'ARAN**

*Edicte Bases especificques d'autrejamet de subvencions en airau d'espòrts entar an 2019*

BDNS (Identif.): 454319.

Convocatòria de subvencions en airau d'espòrts entar an 2019.

Eth Conselh de Govèrn deth Conselh Generau d'Aran de data 8 de mai de 2019 a aprovat era convocatòria entara concession de subvencions en airau d'espòrts entar an 2019. Es determinacions basiques dera convocatòria son es següentes:

Normativa reguladora

Bases especificques d'autrejamet de subvencions en airau d'espòrts entar an 2019.

Crèdit pressupostari

Era despena d'aguesta convocatòria anarà a cargue dera partida 01.341.489.00 deth pressupòst deth Conselh Generau d'Aran.

Objècte, condicions e finalitat

Era concession d'ajudes e subvencions economiques qu'autrege eth Conselh Generau d'Aran en airau d'espòrts ena Val d'Aran.

Er àmbit temporau d'execucion des activitats a realitzar comprenrà eth tèrme comprenut entre er 1 de gèr de 2019 e eth 31 de deseme de 2019.

Règim d'autrejamet

Concurrència competitiva.

Requisits des beneficiaris entà sollicitar era subvencion

Es que mèrquen es apartats 5 e 6 des Bases especificques.

Organs competents entara instruccion e resolucion deth procediment

Era instruccion se realitzarà per part deth Departament d'Espòrts deth Conselh Generau d'Aran, e serà eth Conselh de Govèrn deth Conselh Generau d'Aran qui resolverà era convocatòria mejançant resolucion motivada.

Tèrme de presentacion de sollicituds

Enquiath 15 de junhsèga de 2019.

Tèrme de resolucion e notificacion

Dus (2) mesi des dera finalizacion deth tèrme de presentacion de sollicituds.

Documentacion e informacion qu'aurà d'inclodir era peticion

Se determinen en article 7au des Bases especificques.

Critèris d'avaloracion des sollicituds

Se determinen en article 9au des Bases especificques.

**Regim de recursi**

Er acòrd de resolució dera convocatòria met fin ara via administrativa.

**Mieis de publicitat**

BOP de Lleida e ena sedença electronica deth Conselh Generau d'Aran  
(<https://tauler.seu.cat/inici.do?idens=8103980001>)

**Publicitat des Bases**

Es Bases específiques entara convocatòria de subvencions en airau d'espòrts entar an 2019 publicades damb aguesta convocatòria se sotmeten a informacion publica per tèrme de vint (20) dies, a comptar de l'endemà ara publicacion d'aguest anunci en BOP e en taulèr d'anoncis dera corporacion, ar efècte qu'es personas interessades poguen examinar-lo e presentar possibles reclamacions e/o alegacions. Se passat aguest tèrme non s'an presentat reclamacions ne alegacions en contra, aquestes Bases s'entenderàn definitivament aprovades sense besonh d'ulterior acord.

**BASES ESPECIFIQUES**

Entara concessió de subvencions en airau d'espòrts entar an 2019

**Article 1. Objècte**

Er objècte d'aquestes Bases ei regular era concessió d'ajudes e subvencions economicas qu'autrege eth Conselh Generau d'Aran en airau d'espòrts ena Val d'Aran.

**Article 2. Procediment**

Eth procediment de concessió d'aquestes subvencions se tramite en regim de concurréncia competitiva, mejançant era aprobacion e publicacion dera convocatòria corresponenta e cossent damb es principis de publicitat, transparéncia, concurréncia, objectivitat, igualtat, non discriminacion, eficàcia e eficiéncia. Era gestion des expedients d'autrejament d'aquestes subvencions correspon ath Departament d'Espòrts deth Generau d'Aran e, era sua resolució, ara aprobacion der expedient per part dera Comission de Subvencions deth Conselh Generau en session deth Conselh de Govèrn, prealable informe deth Departament d'Espòrts.

**Article 3. Activitats subvencionables**

Activitats de foment der espòrt ena Val d'Aran.

**Organizacion d'eveniments esportius ena Val d'Aran**

Activitats des associacions que realizen o programen activitats esportives e de competicion.

Entà poder recéber ajudes deth Conselh Generau d'Aran, es sollicitants auran de presentar ua declaracion responsabla sus eth compliment de diuèrsi requisits referents ara activitat pera quau se demane era subvencion, segontes eth modèl normalizat que facilitarà eth Conselh Generau d'Aran.

Se consideraràn despeses subvencionables aqueres que de forma indubitada respónguen ara naturalesa dera activitat subvencionada e resulten estrictament de besonh. Laguens d'aquestes despeses s'includissen es despeses financèras, es despeses d'assessoria juridica o financèra e es despeses d'administracion especifics, tostemp e quan estonguen directament relacionats damb era activitat subvencionada e siguen indispensables entara adequada preparacion o execució d'aguesta.

**Article 4. Impòrt des subvencions**

Era quantia dera concessió serà era resultanta dera valoracion e ponderacion des peticions, era distribució dera consignacion pressupostària dera partida corresponenta entre eth nombre de sollicituds

presentades e en foncion deth pressupòst elegible, en tot auer en compde que non pòden superar es 5.000,00 euros.

Se poderàn autrejjar subvencions enquiath 75% deth còst dera activitat. Non se subvencionaràn mès de dues peticions per entitat laguens d'aguesta linha de subvencions.

Aguesta linha de subvencions ei compatible damb d'autres subvencions, ajuts, ingrèssi o recorsi entara madeisha finalitat, tostemp e quan er impòrt de totes ères non supère eth còst dera activitat subvencionada.

Aguesta linha de subvencions ei incompatible damb d'autres subvencions, ajuts, ingrèssi o recorsi entara madeisha finalitat autrejats peth Conselh Generau d'Aran o organismes qu'en depenen.

#### Article 5. Beneficiaris

Poderàn accedir ad aquestes subvencions aqueres associacions, fundacions, persones juridiques e d'autres entitats esportives que participen o amien a tèrme quinsevolh des activitats objècte d'èster subvencionades damb domicili en Aran e excepcionalment, es entitats publiques o privades qu'a despriet d'èster domiciliades dehòra d'Aran, realizen activitats esporadiques en Aran entath foment, programacion e organizacion d'activitats esportives ena Val d'Aran.

Entà toti es casi previsti en aquest article, serà requisit indispensable entà poder èster beneficiaris de subvencions qu'es sollicitants non agen ànim de lucre.

#### Article 6. Requisites e obligacions des beneficiaris

Complir er objectiu, executar eth projècte, realizar era activitat o adoptar eth comportament que fonamente era concession dera subvencion.

Justificar dauant deth Conselh Generau d'Aran eth compliment des requisits e es condicions, e tanben era realizacion dera activitat e eth compliment dera finalitat que determinen era concession o eth gaudi dera subvencion.

Sotmeter-se as actuacions de comprobacion que s'establisquen per part deth Conselh Generau d'Aran, atau coma quinsevolha auta comprobacion e contròtle financèr que poguen amiar a tèrme es organs de contròtle competents, tant nacionaus coma comunautaris, e aportar tota era informacion que les sigue requerida en exercici des actuacions anteriores.

Comunicar ath Conselh Generau d'Aran, en quinsevolh moment e en tot cas abans dera justificacion dera aplicacion des hons, era obtencion d'autres subvencions, ajuts o ingrèssi que financien es activitats subvencionables.

Acreditar, en moment de presentar era sollicitud, qu'ei ath corrent deth compliment des sues obligacions tributàries, ath dauant dera Seguretat Sociau e deth Conselh Generau d'Aran, mejançant era presentacion des certificats corresponents de data non superior as 6 mèsis dera data de sollicitud, o ben autorizant ath Conselh Generau d'Aran de manèra expressa entà obtier de manèra dirècta era acreditacion d'aguesta circumstància mejançant es oportuns certificats telematics.

Dispausar des libres compdables, registres diligenciats e d'auti documents degudament auditats cossent damb era legislacion mercantila e sectorial aplicable ath beneficiari en cada cas, atau coma toti es estats compdables e registres especifics que le siguen exigibles.

Conservar es documents justificatius dera aplicacion des hons rebuts, includidi es documents electronics, tostemp e quan puguen èster objècte des actuacions de comprobacion e contròtle.

Adoptar es mesures de difusion entà dar era adequada publicitat deth caractèr public deth finançament de programes, activitats o actuacions que siguen objècte de subvencion, enes tèrmes establidi en aquestes Bases.

Dar compliment ara Lei 19/2014, de 29 de deseme, de transparència, accés ara informacion publica e bon govèrn enes tèrmes en que le sigue aplicable.

#### Article 7. Sollicituds

Era documentacion a presentar serà era següenta.

Sollicitud de subvencion degudament ramplida disponible en [www.conselharan.org](http://www.conselharan.org), que se pòt presentar en Registre Generau, atau coma per quinsevolh d'aute des mieis que previe er article 16.4 de la Lei 39/2015, d'1 d'octobre, deth procediment administratiu comun des administracions publiques segontes modèu normalizat en qu'aurà de constar:

- Declaracion de que non existís cap causa de proibicion entà percéber era subvencion.
- Declaracion qu'accepte es presentes normes, era subvencion que se li pogue autrejar atau coma es condicions que se'n deriven, en cas que li sigue concedida.
- Declaracion responsabla sus eth compliment des obligacions tributàries e damb era Seguretat Social.
- Era autorizacion ath Conselh Generau d'Aran entà poder sollicitar, per mieis telematics, es certificacions d'èster ath corrent deth compliment des obligacions tributàries, dera Seguretat Social e deth Conselh Generau d'Aran.

Brèu memòria dera activitat que se preten sigue subvencionada peth Conselh Generau d'Aran. En cas de pròves esportives e d'auti eveniments de caracteristiques similares calerà aportar:

- Declaracion responsabla sus eth compliment de diuèrsi requisits referents ara activitat pera quau se demane era subvencion, segontes eth modèu normalizat que facilitarà eth Conselh Generau d'Aran.
- Còpia dera targeta d'identificacion fiscau dera entitat sollicitanta.
- Còpia deth document d'identificacion dera persona sollicitanta.
- Còpia des estatuts vigents e deth document acreditatiu dera inscripcion en Registre d'Entitats deth Departament de Justícia dera Generalitat de Catalunya, en Registre d'Entitats Esportives o d'auti Registres que corresponguen.
- Document de transferència bancària entath pagament dera subvencion segontes modèl deth Conselh Generau d'Aran.

En cas qu'era documentacion presentada sigue incorrècta o incompleta, se sollicitarà qu'esmene o complete pendent un tèrme de dètz (10) dies en tot avisar que s'incomplís eth tèrme establit, er expedient s'archivarà sense cap tramit posterior.

Es entitats que s'agen presentat anteriorament ara convocatòria d'aquesta linha d'ajuts restaràn exempts de presentar era documentacion des apartats c), d) e) e f) tostemp e quan còsten ena documentacion presentada e es donades non agen variat.

#### Article 8. Tèrme

Es sollicituds de subvencion se poderàn presentar laguens des tèrmes que s'establisquen en acòrd de convocatòria d'aguestes subvencions.

#### Article 9. Critèris d'avaloracion des sollicituds

Importància o interès dera activitat a realizar.....	20 punts
Trajectòria e continuïtat esportiva dera entitat sollicitanta.....	5 punts
Activitat que fomenta era activitat esportiva base.....	15 punts
Repercussion nombre de participaires.....	10 punts

#### Article 10. Comission qualificadora

Entara avaloracion des peticions presentades s'establís ua Comission qualificadora cossent damb era basa 13 des Bases generaus d'autrejamet de subvencions deth Conselh Generau d'Aran que serà integrada per:

- 1 representants der airau d'Espòrts.
- 1 representant dera Escòla de Tecnic Esportius dera Val d'Aran.
- 1 representant dera Secretaria generau deth Conselh Generau d'Aran.

#### Article 11. Tèrme d'execucion e justificacion des actuacions

Es actuacions entàs quaus s'age obtiengut era subvencion s'auràn d'executar laguens der an naturau dera aprobacion dera convocatòria.

Eth tèrme maxim de justificacion des actuacions realizades serà enquiath 30 de noveme de 2019, exceptat d'aquères actuacions realizades entre er 01/12/2019 e eth 31/12/2019 que s'auràn de justificar abans dera fin deth mes de gèr de 2020. En cas que non se pogue justificar laguens d'aguest tèrme, eth benefici poderà demanar proròga de tres (3) mesi e s'autrejarà o desestimarà, prealabla avaloracion dera peticion mejançant resolucio motivada.

#### Article 12. Tramitacion e concessio des subvencions

Era instruccio des sollicituds presentades correspon ath Departament d'Espòrts.

Un còp avalorades es sollicituds per comission qualificadora damb indicacion dera quantia que se prepausa, aguestes sollicituds seràn informades pera Intervencio deth Conselh Generau d'Aran sus era existència de crèdit disponible, adequat e sufisent.

Finalizada era instruccio, eth Conselh de Govèrn deth Conselh Generau d'Aran resolverà era convocatòria mejançant resolucio motivada.

#### Article 13. Reformulacion des sollicituds

Abans de formular era prepausa der acòrd d'autrejamet e tostemp qu'era subvencion que se preveigue autrejar sigue inferiora ara demanada, era entitat sollicitanta, per iniciativa pròpria o a demana deth Departament d'Espòrts poderà demanar era reformulacion dera sollicitud.

Era reformulacion aurà coma objectiu ajustar es compromisi e es condicions dera subvencion, damb especiau referència ath pressupòst dera actuacion que se prevé realizar.

#### Article 14. Tèrme maxim de resolucio

Eth tèrme maxim entà resòlver e notificar era resolucio deth procediment de concessio de subvencions ei de dus (2) mesi, a despiet qu'ua norma de rang legau establisque un tèrme superior o que sigue previst ena normativa dera Union Europèa. Aguest tèrme se compute a compdar dera finalizacio deth tèrme de presentacion de sollicituds.

Era manca de resolució en aquest terme màxim a efectes desestimadors des sol·licituds, més non eximis ath Conselh Generau d'Aran de resòlver expressament aquest procediment.

Article 15. Publicacions des acòrds de concessió des subvencions  
Cossent damb çò que dispause era basa 20 dera ordenança generau d'autrejamet de subvencions deth Conselh Generau d'Aran, es subvencions autrejades se publicaràn en BOP de Lleida.

Article 16. Liurament des subvencions  
Er impòrt des subvencions se liurarà as entitats beneficiàries prealabla justificació dera despena e damb informe favorable per part deth Departament d'Espòrts sus era realizació dera activitat subvencionada, e damb informe dera Intervenció deth Conselh Generau d'Aran sus era justificació presentada.

Article 17. Justificació dera execució dera actuació. Impòrt a justificar  
Er impòrt dera despena subvencionable que s'a de justificar serà eth que se determine coma pressupòst dera actuació en acòrd d'autrejamet.

S'executada era actuació, er impòrt des despenes subvencionables ei inferior ath que se determinèc en acòrd d'autrejamet, eth beneficiari, en moment de presentació dera justificació poderà sol·licitar addicionalment era reducció deth pressupòst dera actuació e eth mantienement integre dera subvenció mejançant modèl normalizat deth Conselh Generau d'Aran.

Prealabla avaluació deth compliment dera finalitat de subvenció, eth Conselh Generau d'Aran reduirà er impòrt deth pressupòst dera actuació damb eth mantienement integre dera subvenció o en cas contrari liurarà ath beneficiari era subvenció damb era reducció que resulte d'aplicar eth percentatge deth pressupòst dera actuació ar impòrt dera subvenció autrejada.

Article 18. Justificació dera actuació. Documentació  
Es documents que calerà presentar coma justificació seran es factures e d'altre documents de valor probatori equivalent (originals o còpies compulsades) qu'auran d'anar a nòm deth beneficiari dera subvenció, er IVA des justificants quedarà excludit dera subvenció s'eth beneficiari non ei un consumidor finau e se le pòt deduir. Non s'acceptaran, damb caràcter generau, coma documents justificatius es factures simplificades.

Es documents acreditatius dera execució auràn d'auer ua data d'expedició que se correspongue damb er an naturau d'aprobació dera convocatòria.

Aquesta documentació anarà acompanyada d'ua declaració responsable deth beneficiari, segontes modèl facilitat peth Conselh Generau d'Aran, en relació as aspèctes d'execució, còst totau e finançament dera actuació (damb indicació des recorsi pròpris e diferents ajudes obtingudes), presentació de justificants en d'altre ajuts d'administracions públiques e compliment des compromisi de publicitat.

Cossent damb er article 31 dera Lei 38/2003, de 17 de noveme, Generau de Subvencions, se considerarà despena realizada encara qu'aguesta non age estat efectivament pagada en moment dera justificació.

Article 19. Publicitat des actuacions  
Enes accions de difusió des activitats subvencionades, eth beneficiari aurà de hèr a constar eth supòrt/collaboració deth Conselh Generau d'Aran.

Article 20. Invalidesa, modificació e reintegrament des subvencions  
Per çò que tanh ad aquesti aspèctes, s'estarà a çò que dispause eth capítol V des Bases generaus d'autrejamet de subvencions deth Conselh Generau d'Aran.

**Article 21. Normativa supletòria**

En tot çò non previst en aquestes Bases específiques seràn d'aplicacion es Bases Generaus d'autrejamet de subvencions deth Conselh Generau d'Aran, era Lei 38/2003, de 17 de noveme, Generau de Subvencions, e eth Reiau Decret 887/2006, de 21 de junhsèga, peth quau s'apròve eth Reglament dera Lei Generau de Subvencions.

**Article 22. Transparéncia e bon govèrn**

Er article 55.2 dera Lei deth Parlament de Catalunya 19/2014, de 29 de deseme, de transparéncia, accés ara informacion e bon govèrn, dispause qu'es administracions e es organismes comprenudi en ambit d'aplicacion d'aquesta lei an d'inclodir, enes plecs de clausules contractuaus e enes Bases de convocatòria de subvencions o ajuts, es principis etics e es regles de conducta as quaus an d'adequar era activitat es contractistes e es persones beneficiàries, e an de determinar es efèctes d'un eventuai incompliment d'aguesti principis. As efèctes de dar compliment ara nomentada obligacion legau, s'incorpòre era clausula annèxa.

Principis etics e regles de conducta as quaus es beneficiaris de subvencions deth Conselh Generau d'Aran an d'adequar era sua activitat

1. Es beneficiaris de subvencions deth Conselh Generau d'Aran adoptaràn ua conducta eticament exemplara e actuaran entà evitar era corrupcion en quinsevolha de totes es sues possibles formes.

2. En aquest sentit –e ath marge d'aqueri auti deures vinculadi ath principi d'actuacion nomentat en punt anterior, derivats des principis etics e des regles de conducta as quaus es licitadors e es contractistes an d'adequar era sua activitat- assumissen particularament es obligacions següentes:

- Comunicar immediatament ar òrgan de contractacion es possibles situacions de conflicte d'interèssi.
- Non sollicitar, directament o indirectament, qu'un cargue o empleat public influisque en autrejamet des subvencions.
- Non aufrir ne facilitar a cargues o empleats publics avantatges personaus o materiaus, ne per eri madeishi ne entà persones vinculades damb eth son entorn familiar o sociau.
- Non realizar quinsevolha auta accion que pogue vulnerar es principis d'igualtat d'oportunitats e de liure concurrència.
- Non realizar accions que meten en risc er interès public.
- Respectar es principis de liure mercat e de concurrència competitiva, e abstier-se de realizar conductes qu'agen per objècte o poguen produsir er efècte d'impedir, restringir o falsejar era competéncia, coma per exemple es comportaments collusòris o de competéncia fraudulenta (aufèrtes de resguard, eliminacion d'aufèrtes, assignacion de mercats, rotacion d'aufèrtes, etc.). Atau madeish, denunciar quinsevolh acte o conducta dirigits a aquères finalitats e relacionats damb era licitacion o eth contracte des quas n'auèsse coneishement.
- Non utilizar informacion confidenciau, coneishuda mejançant era subvencion, entà obtier, directament o indirectament, un avantatge o benefici economic en interès pròpri.
- Observar es principis, es normes e es canons etics pròpris des activitats, es oficis e/o es professions corresponentes as subvencions autrejades.

- Collaborar damb era Corporacion enes actuacions que aguest realize entath seguiment e/o avaloracion deth compliment dera subvencion, particularament facilitant era informacion que le sigue sollicitada entà aguestes finalitats.

- Denonciar es actes des quaus n'agen coneishement e que poguen comportar ua infraccion des obligacions contiengudes en aguesta clàusula.

3. Er incompliment de quinsevolha des obligacions contiengudes en anterior apartat 2 per part des beneficiaris de subvencions deth Conselh Generau d'Aran, serà causa de revocacion dera subvencion, sense perjudici d'aqueres autes possibles conseqüències previstes ena legislacion vigenta.

Vielha, 9 de mai de 2019

El síndic d'Aran, Carlos Barrera Sánchez